

КОНЬÖР *

Зэв шога оліс голь крестьянин,
Эз воны сылы долыд лун;
Эз повлы некор съökыд уджысь,
Пыр тільсис-мырсис вой и лун.

Эз жалит некор ассъыс вынсö,
Кöть кöдзыд, пемыд - ставыс шань.
Йöз кодя овны, дерт, эз вермы:
Эз тырмыв сылөн асшöр нянь.

Удж вылын отсöг вöлі гöтыр,
Эз тöдлы сідзжö шойччан мог.
Дыр висьöм бöрын гöтыр кулі, -
Шог вылö локтö век нин шог.

Сы бöрын сотчис и важ керка,
Мый вöлі – сійöс сотіс би.
Голь олөм быри, воис помыс...
Став пыдди коли ичöt пи.

А пиыс том на, зэв на ичöt,
Сы помысь зэв на ылын бур...
Ас морöс бердас босьтіс писö,
Да шога, коньöр, öшис юр.

* Медводдзаысь печатайтöма 1925 воын.

Коми му. - 1925. - № 6-7 (16-17). - С. 42.